

XVI CAMPIONATO GALEGO UNIVERSITARIO DE ORIENTACIÓN



**Cidade da Cultura
Monte Gaiás
23 de abril de 2022**

C O N T I D O

1. Organización	3
2. Participantes	3
3. Inscripcións	3
4. Lugar de competición	3
5. Horario	3
6. Cartografía e terreo	4
7. Categorías	5
8. Modalidade de competición	5
9. Sistema de control	5
10. Posibles incidencias do sportident	5
11. Clasificacións	6
12. Premios	6
13. Seguridade e prevención de riscos	6
14. Comité de competición	6

1.-ORGANIZA.

Servizo de Deportes da Universidade de Santiago de Compostela.

2.-PARTICIPANTES.

Poderán participar neste campionato todos os membros da comunidade universitaria (estudantes, persoal de administración e servizos e persoal docente e investigador, sen límite ningún de idade) das universidades de A Coruña, Vigo e Santiago de Compostela.

3.-INSCRICIÓNS.

A través dos servizos de deportes das respectivas universidades **antes das 14:00 horas do 11 de abril**.

Os participantes que representan a Santiago deben inscribirse [neste enlace](#)

As universidades de A Coruña e Vigo remitirán as súas inscricións ao Servizo de Deportes da Universidade de Santiago por correo electrónico a deporsec@usc.es antes das 23:50 do 17 de abril.

Serán os servizos de deportes das respectivas universidades os que verificarán a pertenza dos inscritos á súa comunidade universitaria.

4.-LUGAR DE COMPETICIÓN

A carreira celebrarase no monte Gaiás e Cidade da Cultura de Santiago de Compostela.

O lugar de concentración dos corredores será fronte á Biblioteca e Arquivo de Galicia. Coordenadas: 42.869322° -8.526539°.

Zona de concentración



5.-HORARIO.

09:30 – Acreditación dos participantes.

10:30 – Saída dos primeiros corredores.

13:30 – Entrega de trofeos e peche.

6.-CARTOGRAFÍA E TERREO

Mapa con escala 1/4000 e **equidistancia de 5 m**, debuxado por Eduardo Ramos segundo a normativa Sprint ISSprOM 2019 no ano 2021 e revisado en marzo do 2022. Rexistro FEDO: C-2869-21.



IMPORTANTE: para evitar a acumulación de curvas de nivel e facilitar a lectura dos elementos debuxados estableceuse a equidistancia en 5 m.



No terreo atopámonos con zonas abertas, moi extensas, e outras semiabertas cruzadas por moitos camiños. Pegado ao monte temos unha zona urbana pavimentada con edificios e aparcadoiros. As zonas semiabertas correspóndense sobre todo con plantacións relativamente recentes de árbores autóctonas, sobre todo bidueiras. Entre as bidueiras hai carballos diseminados que aparecen representados no mapa co símbolo 418 (*arbusto prominente ou pequena árbore individual*).

Na zona urbana atopamos tellados dalgúns edificios que se xuntan co chan sendo difícil nese caso precisar onde remata o chan e comeza o edificio, sobre todo se se ve de lado. Noutros o tellado chega a 1 m escaso do chan, podéndose confundir cun cortado.



Debido á dureza do terreo e a que nalgúns zonas podemos atopar algunha pequena silva ou toxo recoméndase o uso de calzado resistente, con agarre, e roupa longa que protexa ás pernas. Evidentemente non clavos, pola zona pavimentada.

É un terreo que permite desprazarse con rapidez, é fácil orientarse nel porque hai moitos camiños e elementos que serven de referencia. Pero é moi esixente fisicamente debido a que a metade do mapa corresponde cunha ladeira de acusada pendente.

7.-CATEGORIAS.

Haberá dúas categorías: Homes e Mulleres.

Estableceranse dous percorridos diferentes, un para cada categoría.

8.-MODALIDADE DE COMPETICIÓN.

A proba será de tipo individual contrarreloxo e desenvolverase na modalidade de orientación en liña. O/A participante terá que pasar obrigatoriamente por todos os controis seguindo a orde numérica consecutiva marcada.

As normas aplicables a esta competición son as establecidas pola FEGADO para a Liga Galega de Orientación a Pé da tempada 2022.

Non se entregarán dorsais.

Para a entrega de pinzas, nos casos de que non se dispoña dela debe presentarse o DNI ou similar na secretaría.

9.-SISTEMA DE CONTROL.

Por medio de Pinza Electrónica Sportident. En caso de fallo do sistema Sportident o participante deberá marcar con pinza tradicional nas casiñas impresas no propio mapa para así certificar o paso polo control correspondente.

10.-POSIBLES INCIDENCIAS DO SPORTIDENT.

Resumo do procedemento de actuación ante posibles incidencias Sportident

- **Corredor que non limpa a súa tarxeta na saída.**
É responsabilidade do corredor limpar na zona de saída (na estación sportident correspondente) a súa tarxeta. Todo corredor que por non limpar a súa tarxeta de datos anteriores, se quede sen memoria nela, e chegue a meta con picadas no mapa por ese motivo, será descualificado por **erro en tarxeta**.
- **Corredor que non descarga a súa tarxeta (pinza) sportident ao rematar.**
Todo corredor debe picar o punto meta (dobre círculo no mapa) e posteriormente ir descargar a súa tarxeta (pinza) onde estea previsto pola organización.
En todo caso, aceptárase como válido que os corredores descarguen as súas tarxetas ata que sexa o peche da meta. Os corredores que non descarguen nese prazo serán considerados **fóra de control**.
- **Corredor ao que lle falta algún punto de control na tarxeta.**
Será automaticamente descualificado. É responsabilidade do corredor asegurarse que o seu paso polo control quedou correctamente rexistrado na súa tarxeta, aspecto que indica o pitido e a luz da estación ao introducirlle a pinza sportident.
Esta descualificación inclúe todas as posibilidades, excepto que se comprobe que o sistema fallou. Entón, a estación non dá luz nin son, polo que o corredor é responsable de detectalo, e picar manualmente no lugar establecido para eses casos no seu mapa.

- **Corredor que entra en meta e non pica.**

Todo corredor que entre en meta e non pique o punto meta, pode volver a picalo. En cambio si deixou algún outro punto do seu percorrido sen picar, non pode volver ao terreo.

RECORDATORIO:

- Limpar e comprobar a tarxeta ou pinza na saída.
- Coidado con descualificar por non esperar pitido e/ou luz na estación.
- Seguir a orde numérica de controis no percorrido correspondente. Por exemplo, se se pica a 4 antes da 3, non se descualifica se se volve a picar a 3, despois de novo a 4, e logo a 5, 6, etc.
- É obrigatorio picar na estación de meta, e despois descargar na estación-descarga na secretaría. Así comprobaremos que non queda ninguén “perdido” no monte.

11.-CLASIFICACIÓNS.

Estableceranse dúas clasificacións individuais: homes e mulleres, e unha terceira por universidades, que resultará de sumar as seis mellores puntuacións de cada universidade (tres homes e tres mulleres). As puntuacións de cada corredor virán dadas do seguinte xeito: o primeiro clasificado obtén 100 puntos; do segundo en adiante, dividirase o tempo do gañador (dividendo) entre o tempo do corredor en cuestión (divisor), e o cociente multiplicarase por 100.

12.-PREMIOS.

A entrega de premios realizarase nas instalación da Cidade da Cultura ás 13:30.

Entregaranse aos tres primeiros homes e máis ás tres primeiras mulleres, así como ás tres universidades.

13.-NORMAS DE PREVENCIÓN DE RISCOS E SEGURIDADE.

Os corredores participan na proba baixo a súa propia responsabilidade, asumindo os riscos inherentes ás carreiras de orientación a pé.

Todos os participantes están obrigados a pasar polo control de meta, aínda que abandonen, e descargar a súa tarxeta no lugar que a organización ten disposto para elo, garantindo así que non quedou ninguén no monte.

Recoméndase levar protección contra vexetación rasteira, fundamentalmente toxos e silvas, que pode haber en diferentes zonas da carreira.

14.-COMITÉ DE COMPETICIÓN.

O comité de competición estará formado por tres membros, un por cada universidade participante. As Universidades de Vigo e de A Coruña farán constar no formulario de inscrición a persoa que designan para formar parte deste Comité. O Comité de Competición resolverá as posibles reclamacións relativas ao regulamento aplicado segundo as súas normas e as normas vixentes na Comunidade Autónoma de Galicia para o deporte das carreiras de orientación.

Todo o non contemplado nos apartados anteriores resolverase de acordo cos Regulamentos Técnicos de Competición.

ENTIDADES ORGANIZADORAS

Club USC orientación

Servizo de Deportes da Universidade de Santiago



ENTIDADES COLABORADORAS

